



26. januar 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Nunatsinnit USA-mut aalisakkanik aamma raajanik toqqaannartumik avammut tunisassiorniarnep periarfissaasinnaanissaanut piumasaqaatit periutsillu sooqqissaarnerinik Naalakkersuisut ersarissaasinnaappat?

2. Arlaatigut matumunnga sunniuteqaataasunik Inuussutissalerinermik Aqutsisoqarfimmit aaliangersagaqarpa matumani pineqartumi avammut tunisassiorsinnaanermut sunniuteqartunik?

3. Aalisakkat raajallu USA-mut ingerlatinneqannginnerini Danmarkimut assartorneqaqqaartassappat?

3a. Tamaappat, marloqiusamik taamatut assartuussineq danskit avammut tunisassiaatut nioqqutissanut qanoq sunniuteqarnerluttarpa?

4. Arlaatigut amerikami eqqussuinissamut maleruaqqusaasunut aamma-periuserisanut qulakkeerinnissamanissamut aaliangersimasunik uppernarsaateqaqqaarnissamut imaluunniit akuersissuteqaqqaarnissamut piumasaqaateqarpa?

5. Kalaallit Nunaata aammalu USA-p akornanni ilanngaaserinikkut akigititaasut imaluunniit niuernikkut isumaqatigiissutaasut qanoq aalisannik aamma raajanik toqqaannartumik niuersinnaanermut sunniuteqarpat?

(Inatsisartunut ilaasortaq Kuno Fencker, Siumut)

Tungavilersuut:



Naliginnaasumik ilisimaneqartutut periusaasoq naapertorlugu Kalaallit Nunaannit nioqqutissanik avammut annissuinissamut akuersissumik angusaqarsinnaanissaq ajornakusoorlunilu piffissartornartorujussuuvoq. USA-mut aalisakkanik raajanillu avammut niuerneq pillugu niueqatigiinnikkut attaveqaatit nutaat pilersinneri Kalaallit Nunaata aningaasaqarneranut iluanaaqutaaratarsinnaammata matumuuna nioqqutissat toqqaannartumik avammut niuernikkut annissorneqarsinnaanissaanut piumasaqaatit aammalu periarfissat pillugit apeqqutit ataani taakkartorneqartut apeqquteqaatigerusuppakka:

Matumuuna Naalackersuisut USA-mut toqqaannartumik aalisakkanik aammalu raajanik avammut niuersinnaanermut periusissat, allannguutit aammalu ajornartorsiutaasinnaasut pisariallit pillugit paasissutissanik saqqummiussinissaat kissaatigaara. Taamaaliornikkut Kalaallit Nunaata niuernikkut ingerlatai aningaasaqarnikkullu inissisimaffii ilisimasaqarluarfineqarnissaannut iluaqutsiineq pisinnaammat.

Piffissaliussa q pitsaasoq ungasippallaanngitsorlu aallaavigalugu akissuteqaammik ersarissumik eqikkarluarsimasumillu tigusinissara qilanaaralugu, ullut suliffigineqartut qulit qaangiutsinnagit akissutisinissara kissaatigaara.